

Sarajevo, 16.5.2022.godine

Klub zastupnika u Predstavničkom domu
Parlamenta Federacije BiH
Zastupnica Lana Prlić

ZA:
BOSNA I HERCEGOVINA
FEDERACIJA BOSNE I HERCEGOVINE
PARLAMENT FEDERACIJE BOSNE I HERCEGOVINE
PREDSTAVNIČKI DOM
DOM NARODA
VLADA FEDERACIJE BOSNE I HERCEGOVINE
FEDERALNO MINISTARSTVO PRAVDE
n/r Predsjedavajućeg PD Parlamenta FBiH
n/r Predsjedavajućeg DN Parlamenta FBiH
n/r Ministar pravde FBiH

Bosna i Hercegovina
Federacija Bosne i Hercegovine
PARLAMENT FEDERACIJE
SARAJEVO

Priljeno: 16-05-2022			
Org. jsd.	Broj	Priloga	Vrijednost
01, 02 - 02 -		642	/22

PREDMET: Učešće u javnoj raspravi o Nacrtu Zakona o izmjenama i dopunama Krivičnog zakona Federacije Bosne i Hercegovine

U skladu sa članom **173. Poslovnika** o radu Predstavničkog doma Parlamenta Federacije Bosne i Hercegovine, podnosim:

Sugestije i prijedlozi na Nacrt Zakona o izmjenama i dopunama Krivičnog zakona Federacije Bosne i Hercegovine

Molim vas da sugestije i prijedloge na Nacrt zakona uputite predlagaču ovog Zakona Vladi Federacije Bosne i Hercegovine i Ministarstvu pravde Federacije Bosne i Hercegovine.

U prilogu Vam dostavljam tekst sugestija i prijedloga na Nacrt Zakona o izmjenama i dopunama Krivičnog zakona Federacije Bosne i Hercegovine, koje uključuju i Nacrt Zakona o posebnom registru lica pravosnažno osuđenih za krivična djela protiv spolne slobode i morala prema djeci i maloljetnicima u FBiH koji je usvojen u Predstavničkom domu PFBiH 2020.godine, u sklopu javne rasprave.

S poštovanjem,



Lana Prlić, zastupnica

**SUGESTIJE I PRIJEDLOZI NA ZAKON
O IZMJENAMA I DOPUNA KRIVIČNOG ZAKONA FEDERACIJE BOSNE I
HERCEGOVNE**

Član 1.

U član 43. iza stava (3) dodaje se stav 4 i glasi:

„4) kazna zatvora izrečena za krivično djelo protiv spolne slobode i morala kao i krivično djelo protiv braka, porodice i mladeži, koja su učinjena na štetu djeteta, ne može se zamijeniti novčanom kaznom.“

Član 2.

U Krivičnom zakonu Federacije Bosne i Hercegovine ("Sl. novine FBiH", br. 36/2003, 21/2004 - ispr., 69/2004, 18/2005, 42/2010, 42/2011, 59/2014, 76/2014, 46/2016 i 75/2017) u Glavi IX – Sigurnosne mjere, u članu 71. iza tačke e) dodaje se nova tačka f) i tačka g) koje glase:

“f) zabrana pristupa sportskim takmičenjima.

g) zabrana pristupa internetu“

Član 3.

Član 76. dopuniti „da se učiniocima krivičnog djela protiv spolne slobode i morala izvršenog na štetu djeteta mora izreći sigurnosna mjera zabrane potpunog vršenja bilo kojeg zvanja, djelatnosti ili dužnosti pri čije obavljanju se ostvaruje neposredan kontakt sa djecom.“

Član 4.

Iza člana 78. dodaje se novi član 78a. koji glasi:

Član 78a.

Zabrana pristupa sportskim takmičenjima

- (1) Sigurnosna mjera zabrane pristupa sportskim takmičenjima može se izreći učitelju krivičnog djela izazivanje ili učestvovanje u neredima na sportskim takmičenjima iz člana 323a. ovog zakona ili krivičnog djela Učestvovanje u tuči iz člana 174. st. 2. ovog zakona, kada postoji opasnost da će ponovo učiniti takvo krivično djelo.
- (2) Sigurnosna mjera iz stava 1. ovog člana može se izreći u trajanju koje ne može biti kraće od tri, a duže od pet godina računajući od pravosnažnosti sudske odluke, s tim što se vrijeme kazne zatvora ne uračunava u vrijeme trajanja ove mjere.

Član 5.

U Glavi XVI Krivična djela protiv života i tijela u članu 174. u stavu 1. iza riječi: "kaznom zatvora od" riječ: "tri" zamjenjuje se riječju: "šest".

Iza stava 1. dodaje se novi stav 2. koji glasi:

- (2) Ko krivično djelo iz stava 1. ovog člana učini povodom održavanja sportskog takmičenja neposredno prije održavanja ili za vrijeme održavanja ili neposredno nakon održavanja sportskog takmičenja, kaznit će se kaznom zatvora od tri mjeseca do pet godina."

Član 6.

U članu 210. se dodaje stav k) i propisuje novo krivično djelo koje glasi:
„Trgovina djecom“

Član 7.

U Glavi XXVII Krivična djela protiv opće sigurnosti ljudi i imovine, iza člana 323. dodaje se novi član 323a. koji glasi:

Član 323a.

Izazivanje ili učestvovanje u neredima na sportskim takmičenjima

- (1) Ko za vrijeme sportskog takmičenja na bilo koji način iskazuje ili potiče mržnju na osnovu rasne, nacionalne ili vjerske pripadnosti ili neke druge posebnosti, kaznit će se kaznom zatvora od tri mjeseca do tri godine.
- (2) Ko poziva i potiče na tuču ili na napad na gledaoce, službene osobe organizatora sportskog takmičenja, sportiste i druge učesnike u sportskom takmičenju, kaznit će se kaznom zatvora od tri mjeseca do dvije godine.
- (3) Ko učestvuje u tuči ili napadima na gledaoce, redare, službene osobe organizatora sportskog takmičenja, sportske i druge učesnike u sportskom takmičenju, kaznit će se kaznom zatvora od tri mjeseca do tri godine.
- (4) Ko oštećuje ili uništava dijelove sportskog objekta, te prijevozna sredstva i drugu imovinu prilikom dolaska, za vrijeme održavanja ili nakon završetka sportskog takmičenja, kaznit će se novčanom kaznom ili kaznom zatvora do jedne godine.
- (5) Ko neovlašteno uđe na teren na kojem se odvija sportsko takmičenje, kaznit će se kaznom zatvora do šest mjeseci.

Član 8.

Iza član 359b. dodati član 359c. Kao novo krivično djelo Koje glasi:

359c. „Prisila prema socijalnom radniku“